

## PLOANIES SAN MARTIN Y LUNGIARÜ

Invit ala ora de oraziun en vëndres, ai 09 de jügn dales 20.00 sö Oies.  
La oraziun gnará tignida tla forma de Taizé. Düc é dër bel invia da tö pert.

### SAN MARTIN

En la Festa dles Antlés, tignunse do mëssa la prozesciun eucaristica.  
Les uniuns é periades da chirí chi che porta statues, bandires y d'ater.  
Düc nos sun bel invia da porté pro che la prozesciun garetes.

Ordin dla prozesciun: Crist - Jogn cun bandira, confarun di jogn, statua dl Agno Custode - Èi cun confarun di èi, statua dl Cör de Gejù portada da chi da Mirí - Stödafüch cun bandira y statua de san Florian, Musiga y Cor de dljia - Scolars cun la statua dl Bambin y de santa Tarejia, mituns y mitans dla prüma comuniun - Sorvidus cun confarun, Prou cun le Santiscim acompagné dal cil y linternes - Jones cun bandira, plomac, statua de santa Maria y de santa Notburga - Ères cun confarun dles ères, statua de sant'Anna, ères cun le guant da peur, bandira dles ères, ères dal guant da zacan y les atres ères.

Düc/Dötes i/les Seniors/es da San Martin y d'Antermëia é dër bel invia a na griliada en sabeda, ai 10 de jügn, dales 12.00 sö tla ütia Cir sön Börz. Le cost é de 10 €. Präibel prenotesse pro Alfred 333 365 4786 cina ai 8 de jügn.

### LUNGIARÜ

I oressun di de cör en fort dilan a dötes chères porsones che é gnüdes a daidè lavé la dljia. Bel dilan y che Idi s'al paies. *Le consëi de cöra*

Ince por l'ann 2023 Ves periunse indô da paié ite le contribut por la cöra de 35 € por aducl, 10 € pur studënc y 5 € euro pur mituns dla elementara che pó gnü paiá pro la Raika IBAN: IT 63 K 08010 58830 000304004931 o incö domënia, ai 4 de jügn, do mëssa te calonia. Le decunt 2022 é gnü partí fora ales families adöm cun l' invit da paié le contribut . Dër bel dilan.

-----

La Scora de musiga inviëia düc dër bel al concert de conclujiun en mercui ai 7 de jügn 2023 dales 18.00 a San Linert tla "Ciasa J.B.Runcher". Al sará da aldí melodies y toc musicai portá dant dales scolares y dai scolars dla Scora de musiga.

La Uniun dl Sport organisëia n curs de yoga cun Gabriel Prada por indöt 6 iadi tla palestra sö Antermëia. Al mët man en dedolönesc ai 06 de jügn dales 18.45. Por informaziuns y prenotaziuns whatsapp/tel. 377 34 99 869

Cun plajëi ves inviëia le Museum Ladin ala daurida dles mostres d'ert contemporanea TRIENALA LADINA 2023 y CONCURS RICHARD AGREITER. Tla tor dl ciastel vëgnel mostré operes d'ert de MARKUS VALLAZZA. Les mostres vëgn daurides cun na inaudaziun le vëndres, ai 16 de jügn dales 18.00 tl Museum Ladin Ciastel de Tor.



unitepastoral.org

## Plata dles Ploanies San Martin y Lungiarü



ploan siur Klaus Sottsas 344 15 54 055 - klsottsas@rolmail.net  
curat siur Heinrich Perathoner 339 65 74 213  
redaziun: anton.gasser@rolmail.net - 348 27 44 517 / 0474 523 194

### 04.06. - 11.06.23 n. 28

ultimo termo por comunicaziuns: jöbia, dales 20.00

## DOMËNIA DLA TRINITÉ

### Vangele do san Jan 3, 16-18

Idí ti à orü tan bun al monn,  
ch'al à dè ca so Fi su,  
por che vignun che crëi te ël,  
ne vais nia ademal, mo ais la vita eterna.  
Deache Idí n' à nia menè so Fi tl monn,  
por che ël iudichëies le monn,  
mo che le monn vëgn salvè tres ël.  
Chël che crëi te ël, ne vëgn nia iudiché;  
chël che ne crëi nia é bele iudiché,  
cíodich'al n' à nia cherdü  
tl inom dl Fi su de Dî.



*Le vangele de chësta domënia é propi na "buna noela"  
por döta la jënt, deach'ara ti incünda le "scé" de Chël Bel Dî  
al univers te Gejù Crist.*

*Degügn ne dess jí pordüs y degügn ne dess gnü iudicá.  
Le punt che nes condüj da Chël Bel Dî y che nes liëia cun ël é la fidënza.  
Chël che confida y crëi te ël, chël vir te so amur etern  
che salva y che nes scinca vita en abundanza.*

*Tla realté de nosta esistënza umana  
él vignun che vá y che mëss jí por so tru.  
Ince sce vigni tru é desvalí, resta le "scé" de Chël Bel Dî impé  
y insciö ince le punt y le lian dla confidënza.*

*Chël Bel Dî aspeta cun paziënza, dá coraje y s'alegrëia  
por vignun y vignöna che se mët söl tru da jí da d'ël.*

Te Deum

EDEMA - ANN "A"	SAN MARTIN	LUNGIARÜ	
<b>04.06.23</b> <b>Festa dla SS. Trinité</b> <i>Domènia diozejana</i> <i>dles families</i>	<b>9.00 Corona</b> <b>9.30 Gran Mëssa dla comunité</b> <i>por y cun les families</i> <i>++ Siur Bertrand y Paula Vollmann</i> <i>+ Paul Vantsch (dl ann)</i> <i>al cianta le cor dles mitans y mituns</i>	<b>7.50 Corona</b> <b>8.15 Gran Mëssa dla comunité</b> <i>dl ann + Iaco Mischi</i> <i>en onur di Agnui Custodi</i> <b>15.00 Corona tla capela de S. Ojöp Fr.</b>	<div data-bbox="1608 97 1697 220" data-label="Image"> </div> <p data-bbox="1720 132 2134 204"><b>I periun do l'intenziun dl Papa por le mëis de jügn</b></p> <p data-bbox="1619 248 2101 389"><i>I periun che la comunité internazionala se dáis da fá cun vari concrec da evité y eliminé la tortöra y che les vitimes y sües families vëgnes daidades.</i></p> <p data-bbox="1619 411 2119 480"><i>(I orun tó chësta oraziun söl sciode deach'al n'é dër tröc che vëgn maltratá.)</i></p> <div data-bbox="1653 539 2051 778" data-label="Image"> </div> <p data-bbox="1619 834 2074 1461"> <i>Chël Bel Dî trinitar é n Dî vi:</i>  <i>Al é ví tl movimënt y tla forza</i>  <i>dles relaziuns y ti raporc danter</i>  <i>Pere y Fi y Spirit Sant.</i>  <i>Al é relaziuns y raporc d'amur</i>  <i>che unësc les Trëi Porsones Divines</i>  <i>daite danter ères</i>  <i>y defora:</i>  <i>tla creaziun cheriada dal Pere,</i>  <i>tla salvëza scincada dal Fi</i>  <i>y tla presënza via dl Spirit Sant.</i>  <i>La Trinité nes acompagnëia</i>  <i>dal Bato inant por na vita alalungia</i>  <i>olach'i gnun signá</i>  <i>tl inom dl Pere y dl Fi y dl Spirit Sant</i>  <i>y vigni iade danü</i>  <i>canch'i se fajun le sëgn dla crusc.</i> </p>
05.06.23 <i>Bonifaz, Igor, Ferdinand</i> <b>Lönesc</b>			
06.06.23 <b>Dedolönesc</b> <i>Norbert, Kevin, Bertrand</i>	<b>19.00 Mëssa</b> <i>++ Vijo y Hannele Verginer</i>		
07.06.23 <i>Robert, Amadî</i> <b>Dedemesaledema</b>			
08.06.23 <i>Helga, Engelbert</i> <b>Jöbia</b>			
09.06.23 <b>Vëndres</b> <i>Efrem, Vinzenz, Colomba</i>	<b>18.30 Adoraziun chîta</b> <b>19.00 Adoraziun deboriada</b>	<b>7.30 Mëssa</b> <i>+ Sepl Clara, Sanví</i> <i>por les püres Animes</i> <i>+ Ida Nagler, Mair</i>	
10.06.23 <b>Sabeda</b> <i>Heinrich da Balsan, Diana</i>	<b>18.30 Mëssa prefestia</b> <i>vis y def. dla fam. de Leo Crepaz</i>		
<b>11.06.23</b> <b>FESTA DLES ANTLÉS</b>	<b>9.00 Corona</b> <b>9.30 Mëssa solëna por la comunité</b> <i>+ Rosalia Chizzali Ploner</i> <b>Prozesciun eucaristica</b>	<b>7.50 Corona</b> <b>8.15 Mëssa solëna por la comunité</b> <i>degöna prozesciun</i> <i>en onú dl Sanch prezius de Gejú</i> <i>+ Pire Daporta, Miscí</i> <i>+ Paul y Maria Castlunger</i> <b>15.00 Corona tla capela de S. Ojöp Fr.</b>	